

Das XXV. Capitel.

Ob Aderlassen vnd Schrepffen in
der Cur des Zipperleins nützlich sey / vnd
wie man beyde Mittel zu gebrau-
chen habe.

produr **E**s ist zwar ein gemeiner / doch
falscher Wahn / vnter den Leuten
eingewurkele / als ob das Zipperlein
eine vnheilbare Kranckheit sey. Ob sie
aber wol hefftig genug scheinet / vnd der
Medicorum opprobrium genennet wird /
so folget drum nicht / das solcher morbus
ganz vnd gar incurabilis sey / bevoraus /
wenn man den Ursachen desselben gründs-
lich nach gehet / vnd hierauff kräftige Mit-
tel / die das Centrum morbi, nach anlei-
tung Paracelsi zu suchen vnd zu finden wis-
sen / ordentlicher weise gebrauchet. Wie
denn in gleichen Hippocrates lehret vnd
haben wil / das die remedia laborantibus
administranda, dem gegenwertigen mor-
bo expellendo non minora, sondern æ-
qualia